



Šemsudin Mehmedović

Broj: 01-144/23
Sarajevo: 11.12.2023.godine

PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE
n/r predsjedavajućeg

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

DIMLJENO: 11-12-2023			
inizaciona jedinica	Klasifikaciona oznaka	Redni broj	Broj priloga
01-	50-1-	2557	23

PREDMET: Zastupnička inicijativa kojom se obavezuju četiri institucije Bosne i Hercegovine sa sjedištem u Mostaru da osiguraju odgovarajuću nacionalnu zastupljenost državnih službenika u skladu sa Zakonom o državnoj službi u institucijama Bosne i Hercegovine

U skladu s članom 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 53/22) upućujem zastupničku inicijativu Predstavničkom domu Parlamentarne skupštine Bosne i Hercegovine,

Predstavnički dom Parlamentarne skupštine Bosne i Hercegovine obavezuje institucije Bosne i Hercegovine i to: Institut za intelektualno vlasništvo Bosne i Hercegovine, Instituciju ombudsmena za zaštitu potrošača u Bosni i Hercegovini, Agenciju za predškolsko, osnovno i srednje obrazovanje Bosne i Hercegovine i Centar za informiranje i priznavanje dokumenata iz oblasti visokog obrazovanja Bosne i Hercegovine, da u skladu s članom 2. Zakona o državnoj službi u institucijama Bosne i Hercegovine osiguraju odgovarajuću nacionalnu zastupljenost državnih službenika u skladu s nacionalnom strukturom stanovništva, prema posljednjem Popisu stanovništva u Bosni i Hercegovini iz 2013. godine.

U skladu s članom 171. st. (2) Poslovnika Predstavničkog doma odgovor u pisanoj formi mora biti dostavljen u roku od 30 dana.

Образложение

Na 6. sjednici Predstavničkog doma Parlamentarne skupštine Bosne i Hercegovine, održanoj 19.4.2023. godine, predstavio sam analizu odgovora 72 institucije Bosne i Hercegovine koja se odnosila na moje zastupničko pitanje o brojčanoj i procentualnoj nacionalnoj zastupljenosti državnih/policijskih službenika i zaposlenika Bošnjaka, Srba, Hrvata i Ostalih u institucijama Bosne i Hercegovine.

Tada sam ukazao na činjenicu da rukovodioci institucija ne poštuju član 7. Zakona o upravi („Službeni glasnik BiH“, br. 37/03, 102/09 i 72/17), kojim je propisano da su obavezni osigurati odgovarajuću nacionalnu zastupljenost državnih/policijskih službenika i zaposlenika u skladu s nacionalnom strukturom stanovništva, a prema posljednjem popisu stanovništva u

Bosni i Hercegovini iz 2013. godine niti član 2. st. 1. Zakon o državnoj službi u institucijama Bosne i Hercegovine („Službeni glasnik BiH“, br. 19/02,35/03,4/04, 17/04, 26/04, 37/04, 48/05, 2/06, 32/07,43/09,8/10, 40/12 i 93/17) kojim je precizirano da „struktura državnih službenika u državnoj službi okvirno odražava nacionalnu strukturu stanovništva Bosne i Hercegovine prema posljednjem popisu stanovništva“.

Analizom je utvrđeno da je u čak 59 od 72 institucije očigledan debalans zaposlenih na štetu Bošnjaka i Ostalih. U periodu od aprila do decembra 2023. godine sa prijemom novouposlenih državnih službenika povećan je debalans na štetu Bošnjaka i Ostalih, što dokazuju sljedeći statistički podaci o državnim službenicima za četiri institucije sa sjedištem u Mostaru (podaci sa veb stranice Agencije za državnu službu Bosne i Hercegovine na dan 5.12.2023.):

1. Institut za intelektualno vlasništvo Bosne i Hercegovine -
Bošnjaci 4 (14,8%), Srbi 9 (33,3%), Hrvati 14 (51,9%) i Ostali 0;
2. Institucija ombudsmena za zaštitu potrošača u Bosni i Hercegovini -
Bošnjaci 1 (25%), Srbi 1 (25%), Hrvati 2 (50%), Ostali 0;
3. Agencija za predškolsko, osnovno i srednje obrazovanje Bosne i Hercegovine -
Bošnjaci 4 (14,8%), Srbi 9 (33,3%), Hrvati 14 (51,9%) i Ostali 0;
4. Centar za informiranje i priznavanje dokumenata iz oblasti visokog obrazovanja Bosne i Hercegovine -
Bošnjaci 3 (30%), Srbi 4 (40%), Hrvati 3 (30%) i Ostali 0.

U navedene četiri institucije Bosne i Hercegovine ukupna nacionalna struktura državnih službenika je sljedeća:

Bošnjaci 9 (15,5%), Srbi 21 (36,2%), Hrvati 27 (46,6%) i Ostali 1 (1,7%).

Prema popisu stanovništva iz 2013. godine, u Bosni i Hercegovini ima 15,43% Hrvata, 30,78% Srba, 50,11% Bošnjaka i 3,68% Ostalih.

Činjenica je da u navedenim institucijama državnih službenika Hrvata ima više za 18 pozicija odnosno više za čak 201% od broja koji je zakonom utvrđen, a Bošnjaka je manje za čak 20 pozicija odnosno 69%, te da Srbi imaju tri pozicije više od zakonom utvrđenog broja.

Ovi statistički podaci o broju državnih službenika nisu slučajni, nego su rezultat dugogodišnjeg zajedničkog djelovanja rukovodilaca institucija koji su članovi HDZ-a i SNSD-a.

Iz ovog proizilazi da u Bosni i Hercegovini nema dovoljno stručnih Bošnjaka i Ostalih za obavljanje „zahtjevnih“ poslova u državnoj službi, nego da te visoke kriterije najčešće zadovoljavaju Hrvati i Srbi, što nije tačno. Da ironija bude veća, zastupnici i delegati iz Republike Srpske u pismu američkom Kongresu i Senatu ističu „navedene nacionalitičke politike najvećih bošnjačkih stranaka, kao i stalna nastojanja da ostvare prevagu u institucijama vlasti u Bosni i Hercegovini, potvrđuje njihovu namjeru da vladaju Bosnom i Hercegovinom bez Srba i Hrvata“.

Navedeni podaci o nacionalnoj strukturi državnih službenika u institucijama Bosne i Hercegovine jednostavno demantuju ovakve neistine, kao i konstantne navode o tobožnjoj unitarizaciji i majorizaciji od strane Bošnjaka.

Krajnje je vrijeme da se zaustavi zapošljavanje na štetu Bošnjaka i Ostalih, jer je očigledna namjera HDZ-a i SNSD-a da, suprotno Ustavu i zakonima Bosne i Hercegovine, Bošnjaka i Ostalih ima što manje zaposlenih u institucijama Bosne i Hercegovine, a naročito na rukovodećim pozicijama.

S poštovanjem,

ZASTUPNIK PS BiH
Šemsudin Mehmedović

